

CYNLLUN GRANTIAU BACH

GWYLIAU A DIGWYDDIADAU BWYD A DIOD 2026-27

Canllawiau Ymgeisio am Gyllid y Cynllun

Cyn llenwi'r cais am gyllid, darllenwch y canllawiau isod.

1. Amcanion y Cynllun

- 1.1 Y nod yw dod â meysydd amaethyddiaeth, prosesu bwyd, cyrchfannau twristiaeth, y sector gwasanaeth bwyd, gwyliau bwyd a manwerthu bwyd ynghyd i elwa ar y manteision economaidd a ddaw o roi profiad diwylliannol nodedig ac unigryw o ansawdd uchel i ymwelwyr. Nodau'r Cynllun Grantiau Bach – Gwyliau a Digwyddiadau Bwyd a Diod yw:
- Gwella ymwybyddiaeth pobl Cymru ac ymwelwyr o Fwyd a Diod Cymru a'u cyfleoedd i'w profi;
 - Codi ymwybyddiaeth ehangach o Fwyd a Diod Cymru yn y gymuned;
 - Annog cydweithio rhwng y sector bwyd a diod a thwristiaeth;
 - Cydnabyddiaeth i gynhyrchion Dynodiad Daearyddol, hyrwyddo bwyta'n iach.
- 1.2 Dim ond gweithgareddau fydd yn ychwanegu at werth diwydiant bwyd a diod Cymru fydd yn derbyn cefnogaeth.

2. Pwy sy'n cael gwneud cais

- 2.1 Mae'r cynllun ar agor i:
- a) Gwyliau a Digwyddiadau Bwyd hen a newydd;
 - b) Cyrff cynhyrchwyr a/neu gyrff twristiaeth sydd â busnesau Bwyd a/neu Ddiod yng Nghymru yn aelodau ohonynt;
 - c) Asiantaethau di-elw neu fudiadau gwirfoddol;
 - ch) Ceisiadau unigol neu ar y cyd gan grwpiau neu asiantaethau busnes Bwyd/Twristiaeth;
 - d) Clystyrau Bwyd sydd am fynd i nifer gyfyngedig o ddigwyddiadau gyda'u haelodau
- 2.2 Dylai fod gan ymgeiswyr hanes a phrofiad o gynnal gwyliau/digwyddiadau o ansawdd uchel. Os mai hon yw menter gyntaf busnes newydd sydd heb brofiad o gynnal gwyliau/digwyddiadau, dylai fod gan y cyfarwyddwyr brofiad o gynnal prosiectau mewn maes tebyg.
- 2.3 Mae'r cynllun yn un dewisol, ac asesir pob cais yn ôl ei rinweddau ac ansawdd yr wybodaeth a ddarperir yn y Ffurflen Gais.

2.4 Ni ystyrir rhoi grantiau i ôl-geisiadau. Ôl-gais yw cais am gyllid ar gyfer digwyddiad sydd eisoes wedi'i gynnal. Ceidw Llywodraeth Cymru'r hawl i benderfynu a yw cais yn ôl-gais.

2.5 Rhaid i'r ymgeiswyr fod wedi'u lleoli yng Nghymru neu allu dangos y bydd y cyllid a'r gweithgaredd a gynorthwyr yn hyrwyddo cynnyrch o Gymru. Croesewir prosiectau sy'n bartneriaethau rhwng dau neu fwy o ddigwyddiadau neu gyrff. Trafodir a chytunir sut i drefnu'r cyllid ar gyfer digwyddiadau o'r fath cyn rhoi'r cyllid a byddai'n ddefnyddiol pe baech yn esbonio yn eich cais sut y byddwch am drefnu'r cyllid.

3. Y cyllid sydd ar gael

3.1 Caiff y cyllid ei ddyrannu a'i ryddhau i ymgeiswyr llwyddiannus pan geir tystiolaeth o wariant yn unol â'r meini prawf hawlio. Bydd swm y grant a gynigir yn seiliedig ar yr holl gostau cymwys a ysgwyddir hyd at drothwy uchaf y cynllun hwn. Er y byddwn yn cefnogi holl gostau'r prosiect, mae croeso arbennig i geisiadau all denu cyllid cyfatebol (gan gynnwys cymorth mewn nwyddau) gan y bydd hynny'n golygu y gall ein cyllid fynd ymhellach.

Y grant lleiaf sydd ar gael	£2,500
Y grant mwyaf sydd ar gael	£8,000

3.2 Byddwn ond yn darparu'r cyllid sydd ei angen i'r prosiect allu mynd yn ei flaen. Bydd gofyn i ymgeiswyr profi na fyddent yn gallu cynnal y prosiect dan sylw heb gymorth Llywodraeth Cymru, neu y byddai'n rhaid ei gynnal ar raddfa lai, llai effeithiol.

3.3 Ni ddylech ragdybio yn eich cynllun ariannol y cewch eich cyllido nac awgrymu ei fod wedi'i gadarnhau nes bod pob elfen o'r broses ymgeisio ac asesu wedi'i chynnal, a'ch bod wedi llofnodi a derbyn llythyr Dyfarnu Cyllid.

3.4 Rhaid darparu cyfrifon cywir wedi'i archwilio, sy'n dangos yr holl gostau a ysgwyddwyd, fel rhan o'r broses monitro ar ôl dyfarnu'r grant. Os gwelir unrhyw anghysondebau, gallem ofyn ichi dalu'r grant yn ôl i Lywodraeth Cymru.

4. Meini Prawf y Cynllun

4.1 Bydd gofyn i'r wyl/digwyddiad gyd-fynd a 10 cam allweddol y Weledigaeth: [Gweledigaeth ar gyfer y diwydiant Bwyd a Diod o 2021 | LLYW.CYMRU](#).

- Twf a Chynhyrchiant ein busnesau
- Elwa'r gymdeithas a pobl Cymru
- Hyrwyddo Cymru a dathlu ein llwyddiant fel cenedl fwyd rhyngwladol

4.2 Rhaid dangos yn glir sut y bydd yr wyl/digwyddiad yn cynyddu cyfleoedd i gynhyrchwyr bwyd a diod o Gymru a'r ymwybyddiaeth ohonynt. Bydd angen cyflwyno adroddiad gwerthuso i Lywodraeth Cymru ar ôl dyfarnu'r grant i ddangos effaith (ansoddol a/neu feintiol) y prosiect/digwyddiad ar ddiwydiant Bwyd a Diod Cymru, gweler adran 7 ac 8 am fanylion llawn.

4.3 Nid yw gwariant ar yr eitemau canlynol yn gymwys o dan y Cynllun hwn:

- Unrhyw gostau cyfalaf (**gweler adran 15 am rhagor o fanylion**);
- Unrhyw gostau o'r ŵyl/digwyddiad sydd ddim yn adlewyrchu amcanion y cynllun hwn (**gweler rhan 1 ac 15 am fwy o fanylion**);
- Staffio (yn cynnwys costau diogelwch);
- Seilwaith (cyfleustodau, ffensio, toiledau ayb);
- Arwyddion;
- Deunydd marchnata;
- Gwefannau;
- Hysbysebion;
- Erthyglau golygyddol;
- Cyfryngau cymdeithasol;
- Perfformiadau (megis cerddoriaeth byw) sydd ddim yn gysylltiedig a bwyd a diod Cymru;
- Costau cyn gwneud cais neu gostau y gall ffynonellau eraill dalu amdanynt;
- TAW fydd yn cael ei had-dalu (**h.y. os ydych wedi cofrestru at ddibenion TAW, ni fyddwch yn gallu hawlio TAW ar unrhyw wariant**);
- Costau diswyddo;
- Dyledion neu gostau gwasanaethu dyled;
- Difidendau;
- Llog;
- Unrhyw beth sy'n groes i ddeddfwriaeth neu gyngor Llywodraeth Cymru;
- Unrhyw weithgaredd a all yn ein barn ni ddwyn anfri ar Lywodraeth Cymru;
- Costau sy'n gysylltiedig â hyrwyddo achos neu gred mudiad ffydd neu wleidyddol;
- Prosiectau sy'n dibynnu ar lafur di-dâl neu sy'n ei annog;
- Costau nad ydynt yn benodol i'r gweithgaredd/prosiect y gwneir cais ar ei gyfer.

4.4 Dylai costau cymwys fod yn gysylltiedig a hyrwyddo bwyd a diod Cymru. Mae'r rhestr isod yn enghraifft o gostau cymwys;

- Costau pabell / lleoliad neu gostau mynychu digwyddiad
- Arddangosiadau coginio
- Siaradwyr gwadd i drafod bwyd a diod (Cymru)
- Costau cynnyrch (bwyd a diod o Gymru)
- Stondinau masnach ar gyfer cynhyrchwyr bwyd a diod Cymru

5. Y broses ymgeisio ac asesu

- 5.1 Bydd ein tîm yn gallu rhoi cyngor a yw eich cais yn gymwys a'r broses ymgeisio ond nid yw trafod eich prosiect gydag aelod o'r tîm yn golygu y caiff ei gymeradwyo. Mae hon yn gronfa gystadleuol lle caiff pob prosiect ei asesu a'i sgorio yn ôl meini prawf safonol. Mae'r ffurflen gais ar gael ar ein gwefan neu fe allwn ebostio copi atoch. Am gyngor ar sut i wneud cais, cysylltwch â'r tîm drwy ebostio GwyliauBwyd@llyw.cymru / FoodFestivalsEvents@gov.wales.
- 5.2 Bydd rownd ymgeisio gyntaf y Gronfa yn agor am **12.00 (hanner dydd) 19 Chwefror 2026**. Dylid cyflwyno ceisiadau i GwyliauBwyd@llyw.cymru / FoodFestivalsEvents@gov.wales erbyn **12:00 (hanner dydd) 9 o Fawrth 2026** fan

hwyrhaf. Ni fydd ceisiadau hwyr yn cael eu hystyried. Mae'n bosib y cynhelir rowndiau pellach os bydd cyllid ar gael.

- 5.3 Bydd archwiliad diwydrwydd dyladwy ac ariannol yn cael ei wneud o bob cais a'r holl wybodaeth ategol. Bydd hyn yn cynnwys archwilio'ch rhagolygon ariannol, archwiliad atal twyll ac archwilio cyfarwyddwyr eich cwmni. Lle nad oes gwybodaeth ar gael (e.e. unig fasnachwyr nad ydynt wedi'u cofrestru gyda Thŷ'r Cwmnïau) gofynnir i chi ddarparu gwybodaeth berthnasol ar wahân at y diben hwn. Os ydych yn gysylltiedig â busnes sydd mewn dyled i Lywodraeth Cymru, mae'n annhebygol y byddwch yn cael gwneud cais am ragor o gyllid a dylech drafod hyn gyda ni cyn gwneud cais.
- 5.4 Bydd ceisiadau nad ydynt yn bodloni'r holl archwiliadau cymhwysedd (gan gynnwys diwydrwydd dyladwy) yn cael eu gwrthod a'u hysbysu yn y cam hwn.
- 5.5 Bydd ceisiadau sydd wedi bodloni'r holl feini prawf cymhwysedd a bodloni'r archwiliadau diwydrwydd dyladwy yn cael eu hasesu wedyn gan swyddogion yr Is-adran Fwyd.
- 5.6 Os bydd gwerth ceisiadau cymwys yn fwy na'r gyllideb sydd ar gael mewn unrhyw flwyddyn ariannol, rhoddir blaenoriaeth i'r ceisiadau sydd â'r sgôr uchaf.
- 5.7 Caiff pob grant a ddyfernir, gan gynnwys ei werth, ei gyhoeddi ar wefan [Bwyd a Diod Cymru](#).
- 5.8 Cronfa ddewisol yw hon ac nid oes modd apelio. Caiff ymgeiswyr aflwyddiannus wybod trwy e-bost ar ôl y sifft Cam 1 cyntaf neu yn dilyn y broses asesu.
- 5.9 Bydd gofyn i ymgeiswyr anfon ceisiadau, cyfrifon, ffurflenni hawlio ac adroddiadau dros e-bost i'r cyfeiriad canlynol:
- GwyliauBwyd@llyw.cymru / FoodFestivalsEvents@gov.wales
- 5.10 Dylai ffurflenni cais gynnwys llofnodion wedi'u sganio neu fel arall, rhaid i'r person a enwir ar y ffurflen anfon y ffurflen o'i gyfeiriad e-sbot.
- 5.11 Dim ond **un** cais llwyddiannus ar gyfer pob gŵyl/contract/digwyddiad a dderbynnir mewn blwyddyn ariannol (tan 31 Mawrth 2027).

6. Amserlen

6.1 Amserlen

19 Chwefror 2026	Cyfnod ymgeisio am y grant yn dechrau.
9 Mawrth 2026	Rhaid sgorio pob cais. Os cynhelir gŵyl/digwyddiad o fewn y cyfnod ymgeisio, gwneir pob ymdrech i hysbysu'r ymgeisydd cyn gynted ag y medrir.
2 Ebrill 2026	Rhaid i'r ffurflen dderbyn ddod i'n llaw o fewn 14 diwrnod gwaith ar ôl i chi gael y llythyr cynnig. Rhaid darparu anfoneb hefyd o'r swm a

Rhoi gwybod bod grant wedi'i roi	gynigir.
Hawlio ac Adrodd	Rhaid cyflwyno adroddiad, ffurflen hawlio a thystiolaeth o'r gwariant o fewn 30 diwrnod gwaith o gynnal yr ŵyl/digwyddiad. Telir y grant o fewn 30 diwrnod ar ôl i'r anfoneb ein cyrraedd.

7. Meini Prawf Sgorio

7.1 Bydd pob cais yn cael eu hasesu yn erbyn y meini prawf canlynol:
Neilltuir sgôr i bob maen prawf:

- **Uchel (U)** – Tystiolaeth gref, yn cwrdd yr amcanion yn llawn ac yn rhagori ar ddisgwyliadau
- **Canolig (C)** – Tystiolaeth ddigonol, yn bodloni'r disgwyliadau lleiaf
- **Isel (I)** – Tystiolaeth gyfyngedig neu annigonol

7.2 **Er mwyn bod yn gymwys i gael cyllid, rhaid i gais sgorio o leiaf CANOLIG ym mhob categori (adran 2-5 o'r ffurflen gais).**

7.3 Pan fo cyllid wedi'i or-danysgrifio, mae ceisiadau gyda'r nifer uchaf o sgoriau uchel yn cael eu blaenoriaethu (wedi'i alinio â nodyn y cynllun ar flaenoriaethu pan ragori ar y gyllideb yn cael ei rhagori).

8. Cyllid a Monitro

8.1 Gwerth y grant mwyaf y gellir ei roi yw £8,000

8.2 I gael help o dan y rhaglen hon, rhaid cael cymeradwyaeth Llywodraeth Cymru a rhaid bod arian ar gael.

8.3 Caiff y cyllid ei roi ar ffurf grant, yn unol â'r amodau a ddisgrifir yn y llythyr cynnig.

- Caiff y cyllid ei dalu fel ôl-daliad (ar ôl y digwyddiad). O dan amgylchiadau eithriadol, gellid talu'r cyllid ymlaen llaw os gall yr ymgeisydd brofi achos busnes digon cryf.
- Nodir yn eich llythyr cynnig fanylion beth y bydd angen i chi ei ddarparu yn y cam hawlio.
- Ein nod yw prosesu'r taliad o fewn 30 niwrnod gwaith ar ôl i hawliad ddod i law gyda'r **holl** dystiolaeth ategol.
- Dylai ymgeiswyr ddeall y gallech orfod talu'r grant yn llawn neu'n rhannol yn ôl os na fyddwch wedi bodloni amodau a thelerau rhoi'r cyllid.

8.4 Rhaid rhoi gwybod i ni ar unwaith am unrhyw newidiadau i'r ŵyl/digwyddiad unwaith y bydd y cyllid wedi'i roi.

- 8.5 Ceir sefyllfaoedd pan fydd angen talu'r cyllid, neu ran ohono, fydd wedi'i roi ymlaen llaw cyn cynnal yr ŵyl/digwyddiad yn ôl. Mae'r sefyllfaoedd hynny'n cynnwys:
- os na fydd yr ŵyl/digwyddiad yn mynd yn ei flaen fel y'i bwriadwyd oherwydd amgylchiadau a ragwelwyd neu na chawsant eu rhagweld
 - os na fydd y digwyddiad yn bodloni meini prawf y cynllun (gweler adran 4);
 - os nad yw'r trefnydd yn gallu dangos tystiolaeth o wariant y digwyddiad o fewn yr amserlen anodedig (gweler 8.10); a/neu
 - os nad oes tystiolaeth bod y grant a roddwyd wedi'i wario ar ŵyl/digwyddiad 2026/27
- 8.6 Ni fydd taliadau arian parod yn wariant cymwys o fewn cronfa'r grant.
- 8.7 Yr unig wariant cymwys y gellir defnyddio'r grant ar ei gyfer yw costau refeniw a chostau anstatudol.
- 8.8 Caiff taliadau eu gwneud ar ôl i'r ceisiadau gael eu hystyried ac ar ôl rhoi'r llythyr cynnig. Bydd yn rhaid ichi lofnodi'r llythyr hwnnw a'i ddychwelyd fel arwydd eich bod yn derbyn y cyllid a'r amodau. Dylid darparu anfoneb ar gyfer swm y grant gyda'r ffurflen dderbyn.
- 8.9 Bydd angen llenwi ffurflen adrodd ar ôl cynnal y prosiect/digwyddiad a gyllidir – gan gynnwys gwybodaeth am y rhaglen weithgareddau a digwyddiadau, gwybodaeth am nifer y bobl a manylion llawn y rheini sydd wedi elwa ac sy'n bresennol, a lluniau o'r digwyddiad. Dylid cyflwyno'r adroddiad i Lywodraeth Cymru ddim hwyrach na 30 diwrnod ar ôl cynnal yr ŵyl/digwyddiad ac mae'n amod o'r cyllid.
- 8.10 Bydd angen darparu prawf o'r gwariant ar bob digwyddiad a gyllidir (h.y. anfonebau/derbynebau) – yn ogystal â phrawf eich bod wedi talu o'ch cyfrif gyfanswm y grant rydych wedi'i gael – fel rhan o'r adroddiad ar y digwyddiad. Bydd hyn yn dystiolaeth bod y grant llawn wedi'i wario ar gostau'r ŵyl/digwyddiad. O beidio â dangos y dystiolaeth hon o fewn 30 diwrnod gwaith o'r ŵyl/digwyddiad, bydd yn rhaid i chi ad-dalu'r cyllid.
- 8.11 Mae Llywodraeth Cymru wedi ymrwymo i asesu llwyddiant y grant. Trwy fonitro'r prosiect ar ôl ei gwblhau, byddwn yn asesu i ba raddau y gellir priodoli'r canlyniadau a'r allbynnau i weithgareddau'r cynllun ac yn edrych a fu effeithiau ehangach, boed wedi'u rhagweld a heb eu rhagweld.
- 8.12 Gall Llywodraeth Cymru neu drydydd parti sy'n gweithredu ar ran Llywodraeth Cymru gysylltu â chi at ddiben ymchwilio a gwerthuso a/neu i roi adborth am eich profiad o'r cynllun. Caiff yr wybodaeth ei dadansoddi a'i chyflwyno'n ddi-enw yn unol â'r Hysbysiad Preifatrwydd.

9. Rheoli cymorthdaliadau'r DU

- 9.1 Rhaid i chi sicrhau bod y cyllid yn cael ei ddefnyddio mewn ffordd sy'n gydnaws â'r cytundebau cymwys sydd wedi'u cynnwys yn rheolau Sefydliad Masnach y Byd, Cytundeb Masnach a Chydweithrediad y DU-UE, unrhyw Gytundeb Masnach Rydd sy'n cynnwys Protocol Gogledd Iwerddon y DU ac unrhyw ddeddfwriaeth ddomestig berthnasol. Fel rhan o'ch cais, bydd angen i chi roi manylion unrhyw gyllid blaenorol y mae eich busnes wedi'i dderbyn.
- 9.2 Bydd eich cais, os bydd yn llwyddiannus, yn cyfrif fel Cymorth Ariannol Lleiaf (MFA) yn unol â Rhan 3 Pennod 2 o Ddeddf Rheoli Cymorthdal 2022 a elwid gynt yn (SAFA)* / cymorth

de minimis, yn unol ag Erthygl 3.2 paragraff 4 Cytundeb Masnach a Chydweithrediad y DU-UE. Mae'r cymorth hwn yn cyfyngu ar faint o gymorth y gall busnes ei gael gan y wladwriaeth.

- 9.3 Os ydych wedi derbyn MFA, SAFA neu de minimis yn y gorffennol, dylid bod wedi'ch hysbysu'n ysgrifenedig am hynny pan gawsoch y cymorth hwnnw. Bydd angen i chi ychwanegu'r grant hwn at gyfanswm eich MFA dros y tair blynedd ariannol ddiwethaf gan ei gadw o dan oddeutu £315,000 ac ar gyfer unrhyw ddatganiadau neu hawliadau MFA yn y dyfodol. Rhaid datgan y swm i ni yn ystod y cam ymgeisio.
- 9.4 Chi sy'n gyfrifol am sicrhau bod y Dibenion yn cael eu cyflawni yn unol â'r meini prawf Cymorth Gwladol y rhoddwyd y Cyllid hwn drwyddo.
- 9.5 Os ewch dros y terfyn, chi fydd yn gyfrifol am unrhyw gamau a gymerir o ganlyniad, gan gynnwys ad-dalu'r cyllid rydych wedi'i gael.
- 9.6 Am ragor o wybodaeth, darllenwch [Canllaw Statudol ar Drefn Rheoli Cymorthdaliadau'r DU](#)

10. Y Gymraeg

- 10.1 Mae Llywodraeth Cymru wedi ymrwymo i hyrwyddo a thyfu'r Gymraeg. Mae gan y diwydiant digwyddiadau ran bwysig i'w chwarae trwy gyfrannu at flaenoriaethau Llywodraeth Cymru o ran y Gymraeg a'r targed o filiwn o siaradwyr Gymraeg erbyn 2050, yn unol â *Cymraeg 2050*.
- 10.2 Rhaid darparu deunydd ysgrifenedig (gan gynnwys arwyddion a gwybodaeth ar-lein) yn gyntaf yn y Gymraeg, ac yna'n Saesneg. Cewch wybodaeth ynghylch darparu gwasanaethau a deunydd ysgrifenedig yn y Gymraeg ar wefan Comisiynydd y Gymraeg: www.comisiynyddygyymraeg.org

11. Cyhoeddusrwydd

- 11.1 Disgwylir i bob cais llwyddiannus:
- Gytuno i gael ei gynnwys ar gyhoeddusrwydd, datganiadau i'r wasg a deunydd marchnata y byddwn yn eu cynhyrchu am y Gronfa hon, am hyd at 3 blynedd ar ôl dyfarnu'r cyllid. Mewn perthynas â hyn, gallem ofyn am ddelweddau neu fideos a'r hawliau perthnasol i'w defnyddio yn y wasg ac mewn cyhoeddusrwydd.
 - Cytuno i nodi ar ei ddeunydd hyrwyddo, gan gynnwys ar ei wefan, bod y prosiect wedi'i gyllido neu ei ran-gyllido gan Lywodraeth Cymru.
 - Rhoddir gwybod i ymgeiswyr llwyddiannus cyn cyhoeddi deunydd hyrwyddo.

12. Llesiant Cenedlaethau'r Dyfodol

- 12.1 Mae amcanion y Ddeddf yn dangos sut y bydd pob corff cyhoeddus yn gweithio i wireddu'r weledigaeth ar gyfer Cymru a ddisgrifir yn y [nodau llesiant](#). Mae'r saith nod llesiant yn dangos y math o Gymru yr ydym am ei gweld. Mae'r Ddeddf yn ei gwneud yn glir bod yn rhaid i'r cyrff cyhoeddus a restrir weithio i gyflawni'r holl nodau, nid dim ond un neu ddau ohonynt. Nod y strategaeth yw sicrhau ein bod yn ehangu'r cyfraniad y mae digwyddiadau eisoes yn ei wneud i'r saith nod hyn. Bydd cyfeirio at y nodau hyn ac egluro sut y bydd eich prosiect yn eu cyflawni yn ystyriaeth bwysig wrth asesu'ch cais.

13. Cydraddoldeb, amrywiaeth a chynhwysiant

- 13.1 Mae ein strategaeth yn rhoi ffocws bwriadol ar sicrhau bod digwyddiadau'n cwmpasu amrywiaeth eang o arddulliau i apelio at gynifer o bobl â phosibl. Bydd portffolio cytbwys yn ystyried oedran, rhanbarth, ethnigrwydd, crefydd, pris mynediad, ac yn y blaen i sicrhau bod y digwyddiadau yn eang, yn gynhwysol ac yn hygyrch.
- 13.2 Felly, mae croeso arbennig i brosiectau sy'n gallu dangos eu bod yn mynd i'r afael â thangynrychiolaeth yn y diwydiant.

14. Hysbysiadau preifatrwydd

- 14.1 Gofalwch eich bod wedi darllen, deall a derbyn y Canllawiau a'r Hysbysiad Preifatrwydd **cyn** dechrau llenwi'r ffurflen gais.

[Hysbysiad preifatrwydd grantiau Llywodraeth Cymru](#)

15. Costau Cyfalaf

- 15.1 Nid yw costau cyfalaf yn wariant cymwys.
- 15.2 Costau Cyfalaf yw unrhyw 'eitem' sydd yn cael ei gadw i'w ddefnyddio yn y dyfodol. Pwrpas y grant yw i gefnogi hyrwyddo bwyd a diod Cymru, dim i brynu eitemau sydd â gwerth ariannol yn y dyfodol (h.y. ased).
- 15.3 Nid yw eitemau sydd gan amlaf yn cael eu diddymu o fewn blwyddyn yn gymwys.
- 15.4 Rhaid i wariant cymwys fod yn uniongyrchol gysylltiedig â nodau'r cynllun o hyrwyddo bwyd a diod Cymru. Nid yw costau sy'n gysylltiedig ag elfennau eraill o ddigwyddiad e.e. cerddoriaeth, ardaloedd chwarae ac ati yn gymwys o dan y cynllun hwn.